



IKA-6 NA ARALIN
**ANG BAGO
MONG
PAMANTAYAN**

Sa Araling It o'y Pag-aaralan Mo

Sino Ang Nagtatakda Ng Mga Pamantayan?

Saan Mo Matatagpuan Ang Mga Pamantayan?

Paano Matutugunan Ang Mga Pamantayan?

Mga Pamantayan Sa Pagtatagumpay

Sino Ang Nagtatakda Ng Mga Pamantayan?

Sa tahanan, ang mga magulang ang nagtatakda ng mga pamantayan. Ipinababañid nila sa mga anak ang dapat nilang ikilos.

Sinasabi ng ama sa mga anak ang kanilang magagawa at hindi magagawa.

Madaling natutuhan ng mga anak na dapat silang mamuhay ayon sa mga pamantayang ito. Kapag sila'y lumabag, itinutuwid sila ng ama. Kung tahasan silang tumangging sumunod, parurusahan sila. Sila'y kaanib pa rin ng pamilya nguni't nagbunga ng mga suliranin at paghihirap ang kanilang pagsuway.

Ang ating Ama sa Langit ang nagtatakda ng mga pamantayan ng dapat at di dapat gawin ng Kanyang mga anak. Nagpaparusa rin Siya upang turuan ang Kanyang mga anak na magpakabuti at maging masunurin.

Ang Gagawin Mo

1. Sino ang nagtatakda ng mga pamantayan sa isang maayos na tahanan?

- a) ang mga anak.
- b) ang mga kapit-bahay.
- k) ang mga magulang.

2. Sino ang may karapatang magsabi ng dapat ikilos nating mga Cristiano?

- a) ang ating Ama sa Langit.
- b) ang ating kabihasanan.
- k) tayo sa ating sarili.

Mga Sagot: 1. k) ang mga magulang.
2. a) ang ating Ama sa Langit.

Saan Mo Matatagpuan Ang Mga Pamantayan?

Sa Biblia, ang Diyos ang nagtatakda ng mga pamantayan para sa buhay Cristiano. Ito'y nasa buong Biblia, lalo na sa Bagong Tipan.

Upang huwag mag-alinlangan tungkol sa paraang nais ng Diyos na makita sa Kanyang mga anak, sinugo Niya si Jesus upang ituro at ipakita sa atin ang paraan. Siya ang sakdal na halimbawa at huwaran ng pamumuhay Cristiano.

Inilarawan ni Jesus ang mga pamantayan para sa pamumuhay Cristiano sa dakilang "Sermon sa Bundok", makikita sa Mateo, kabanatang 5,6, at 7.

Ang Gagawin Mo

3. Sino ang nagbigay sa iyo ng sakdal na huwaran para sa buhay Cristiano?
 - a) ang pastor.
 - b) si Jesu-Cristo.
 - k) ang ibang mga Cristiano.

4. Ang "Sermon sa Bundok" ay matatagpuan sa mga kabanatang
 - a) 5, 6 at 7 ng Mateo.
 - b) 5, 6 at 7 ng Marcos.
 - k) 5, 6 at 7 ng Juan.

5. Sa "Sermon sa Bundok," si Jesus ay

- a) nagsalita tungkol sa pananampalatayang makakikilos ng bundok.
- b) nagpanayam tungkol sa mga bundok sa palibot ng Jerusalem.
- k) nagturo ng mga pamantayan sa pamumuhay Cristiano.

Mga Sagot: 3. b) si Jesu-Cristo.

4. a) 5, 6 at 7 ng Mateo.

5. k) nagturo ng mga pamantayan sa pamumuhay Cristiano.

Una sa lahat, sinabi ni Jesus na may tanging pagpapalang bigay ang Diyos sa mga mapagpakumbaba, mapagpayapa, at malinis ang puso -- mga taong inuuna sa kanilang buhay ang Diyos at handang magtiis alang-alang sa Kanya.

Itinuro sa atin ni Jesus na ibigin ang ating mga kaaway at idalangin sila, humingi ng tawad sa ating nasaktan, at gawan ng mabuti yaong umapi sa atin. Ang patakaran Niya ukol sa pakikisama'y siyang pinakamabuting naibigay ng sinuman.

Ang Gagawin Mo

6. Basahin ang Mateo Kabanatang 5.

Ang Gagawin Mo

7. (Pumili ng dalawa.) Bilang isang bahagi ng huwaran sa buhay, itinuro ni Jesus na
- a) magpakumbabang-loob ka.
 - b) unahin mo ang Diyos at gawin ang nais Niya.
 - k) maghiganti laban sa umapi sa iyo.
 - d) bigyang laya ang sarili sa lahat ng bagay.
8. (Pumili ng dalawa.) Sa Mateo 5:13, 14 ay itinuro ni Jesus na ang mga anak ng Diyos ay
- a) parang asin sa sangkatauhan.
 - b) hindi nagkamali kailanman.
 - k) parang ilaw sa sanlibutan.
 - d) parang magandang bulaklak.
9. (Pumili ng dalawa.) Sa Mateo 5:21-30, nagbabala si Jesus sa
- a) pagsusugal.
 - b) poot at paghihiganti.
 - k) malaswang isipan at pangangalunya.
 - d) pagbabayad ng ikapu.
10. Sa Mateo 5:43-48, inuutusan tayong
- a) umiibig lamang sa umiibig sa atin.
 - b) umiibig sa ating mga kaaway.
- Mga Sagot: 7. a) magpakumbabang-loob ka.

- b) unahin mo ang Diyos at gawin ang nais Niya.
8. a) parang asin sa sangkatauhan.
k) parang ilaw sa sanlibutan.
9. b) poot at paghihiganti.
k) malaswang isipan at pangangalunya.
10. b) umibig sa ating mga kaaway.

Binigyan tayo ni Jesus ng batayang tuntunin sa pakikitungo sa kapuwa; ito'y tinatawag na Ginintuang Tuntunin:

Kaya gawin ninyo sa inyong kapuwa ang ibig ninyong gawin nila sa inyo. Ito ang kahulugan ng kautusan ni Moises at ng turo ng mga propeta. Mateo 7:12.

Huwag tayong magmataas, magmakasarili, makipag-away, o mamintas. Huwag natin pag-isipan ang bawal na pag-iibigan o masasamang pita.

Unahin natin ang nais Niyang ating gawin upang malugod ang Diyos. Hindi natin maaaring gawing layunin ang panlupang kayamanan at paglingkuran pa rin ang Diyos; nguni't kung unahin natin Siya, tutustusan Niyang lahat ang kailangan natin. At saka anumang gawin natin para sa Kanya'y gagantihan sa Langit ng mga kayamananang hindi kukupas.

Ang Gagawin Mo

11. Basahin ang Mateo Kabanatang 6.
12. Ang batayang tuntuning tinatawag na "Ginintuang Tuntunin" ay
 - a) ang paggamit ng ginto sa mga bagay na mapapakinabangan.
 - b) ang paggawa sa kapuwa ng ginagawa nila sa atin.
 - k) ang paggawa mo sa kapuwa ng nais mong gawin din nila sa iyo.
13. Sa Mateo 6:19-21, sinabi ni Jesus na dapat tayong magtipon ng kayamanan.
 - a) sa Langit.
 - b) sa lupa.

Mga Sagot: 12. k) ang paggawa mo sa kapuwa ng nais mong gawin din nila sa iyo.

13. a) sa Langit.

Paano Mo Matutugunan Ang 'Mga Pamantayan?

Alam ni Jesus na walang makagaganap ng mga tuntuning ito kung hindi siya tutulungan ng Diyos. Kaya't tinuruan Niya ang Kanyang mga alagad na manalangin sa Amang nasa Langit at hiniling din Niya sa Diyos na tulungan ang mga alagad. Binigyan Niya sila ng huwarang pana-

langin, sa Mateo 6:9-13, na tinatawag nating Panalangin ng Panginoon. Madalas nating sambitin ito kung tayo'y manalangin.

Higit sa lahat sinugo ng Ama ang Kanyang Espiritu Santo upang manahan sa iyo at tulungan ka. Ito'y mapag-aaralan mo pa sa susunod na kabanata. Huwag kang mag-alala kung hindi mo pa napag-isipan ang inaasahan sa iyo ng Diyos; tutulungan ka Niya sa bawa't paghakbang mo.

Ang Gagawin Mo

14. Ibinigay ni Cristo ang huwarang panalanging nagtuturo sa atin na

- a) manalangin sa mga santo.
- b) manalangin sa mga ninuno.
- k) manalanging tuwiran sa Diyos.

15. Ang Panalangin ng Panginoon ay

- a) panalanging inusal ni Cristo sa krus.
- b) huwarang panalanging matatagpuan sa "Sermon sa Bundok."
- k) panalangin ni Cristo nang Siya'y nasa Getsemani.

16. Basahin ang Mateo Kabanatang 7.

Mga Sagot: 14. k) manalanging tuwiran sa Diyos.

15. b) huwarang panalanging matatagpuan sa "Sermon sa Bundok."

Mga Pamantayan sa Pagtatagumpay

Ipinaalaala sa atin ni Jesus na ang Kanyang mga patakaran ay huwaran sa ikapagtatagumpay sa buhay. Ang ating buhay ay parang gusali. Ang ating mga iniisip, sinasabi, at ginagawa ay mga blokeng bato sa gusaling ito. Habang inaayos natin sa ibabaw ng pundasyon ng Kanyang pagtuturo, nakabubuo tayo ng isang katauhang makatatagal sa mga pagsubok sa buhay.

Sinumang namumuhay ayon sa ibig niya, at hindi sumusunod sa mga pamantayan ni Jesus, ay mabibigong tulad ng bahay na itinayo sa buhanginan, walang anumang pundasyon. Hindi siya makatatagal pagdating ng mga pagsubok.

Kung nais mong maging matagumpay na Cristiano, itayo ang iyong buhay sa ibabaw ng turo ni Cristo, at sundin ang Kanyang pamantayan. Tutulungan ka ng Espiritu Santo upang magawa ito.

Ang Gagawin Mo

17. Ang taong sumusunod sa turo ni Cristo at ginagamit itong saligan ng kanyang buhay Cristiano ay gaya ng
- a) taong nagtayo ng bahay sa ibabaw ng bato.
 - b) taong nagtayo ng kanyang bahay sa buhanginan.

Sagot: 17. a) taong nagtayo ng bahay sa ibabaw ng bato.